



**სსიპ ბათუმის შოთა რუსთაველის
სახელმწიფო უნივერსიტეტი**

03 სექტემბერი, 2026 წელი

ბრძანება № 01 - 02/163

**სტუდენტური სამეცნიერო იდეების კონკურსის - „იდეა საქართველოს მომავლისათვის 2035“
გამოცხადებისა და საკონკურსო კომისიის დამტკიცების შესახებ**

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, საქართველოს განათლების, მეცნიერებისა და ახალგაზრდობის სამინისტროს 2026 წლის 29 ივნისის MES 1 26 0000816463 კორესპონდენციის, ბსუ-ს სამეცნიერო კვლევების სამსახურის უფროსის მ/შ-ს 2026 წლის 26 აგვისტოს №1100276 და ბსუ-ს სტუდენტთა კარიერული განვითარების, კულტურისა და სპორტის დეპარტამენტის უფროსის მ/შ-ს 2026 წლის 31 აგვისტოს №1113428 სამსახურებრივი ბარათების საფუძველზე,

ვ ბ რ ძ ა ნ ე ბ:

1. გამოცხადდეს სტუდენტური სამეცნიერო იდეების კონკურსი - „იდეა საქართველოს მომავლისათვის 2035“ და კონკურსის ვადები განისაზღვროს შემდეგნაირად:
 - ა) კონკურსში მონაწილეობის მსურველ კონკურსანტთა სარეგისტრაციო განაცხადების მიღება განხორციელდეს ელექტრონულად, წინამდებარე ბრძანების დანართი №1-ის შესაბამისად, ბსუ-ს სტუდენტური პორტალის საშუალებით („წერილი კანცელარიას“, რექტორის სახელზე) გაგზავნის გზით, 2026 წლის 04 სექტემბრიდან 10 სექტემბრის 18:00 საათის ჩათვლით;
 - ბ) საკონკურსო კომისიის მიერ წარმოდგენილი იდეების განხილვა, შეფასება და პრეზენტაციების მოსმენა - 2026 წლის 11 სექტემბერი (ზუსტი დრო დამატებით ეცნობებათ კონკურსანტებს ბსუ-ს ვებგვერდის ან/და მათ მიერ სარეგისტრაციო განაცხადში მითითებულ ტელეფონზე/ელექტრონულ ფოსტაზე;
 - გ) გამარჯვებული კონკურსანტის (საინიციატივო ჯგუფი) გამოცხადება - 2026 წლის 14 სექტემბერი.
1. კონკურსში მონაწილეობის უფლება აქვს ბსუ-ს უმაღლესი და პროფესიული საგანმანათლებლო პროგრამების აქტიური სტატუსის მქონე სტუდენტებს, ინდივიდუალურად ან 2-3 სტუდენტისგან შემდგარი საინიციატივო ჯგუფის სახით.
2. წარმოდგენილი სამეცნიერო იდეები საკონკურსო კომისიის მიერ შეფასდება 100-ქულიანი სისტემით, შემდეგი კრიტერიუმებისა და მაქსიმალური ქულების განაწილების დაცვით:
 - ა) იდეის ინოვაციურობა - 25 ქულა;
 - ბ) პრობლემის აქტუალობა - 25 ქულა;
 - გ) საქართველოსთვის და რეგიონისთვის მნიშვნელობა - 20 ქულა;
 - დ) განხორციელების რეალისტურობა - 10 ქულა;
 - ე) მოსალოდნელი სამეცნიერო/საზოგადოებრივი ეფექტი - 10 ქულა;
 - ვ) პრეზენტაცია (იდეის წარდგენის უნარი) - 10 ქულა.
3. კონკურსის გამარჯვებულის გამოვლენის, იდეების შეფასებისა და შესაბამისი გადაწყვეტილების მიღების მიზნით დამტკიცდეს საკონკურსო კომისია N2 დანართის შესაბამისად.
4. საკონკურსო კომისია გამარჯვებულად გამოავლენს იმ კონკურსანტს ან საინიციატივო ჯგუფს, რომლის იდეაც კომისიის წევრთა მიერ ამ ბრძანების მე-3 პუნქტით განსაზღვრული კრიტერიუმების შესაბამისად (ქულათა ჯამი) მიიღებს ყველაზე მაღალ შეფასებას.
5. კონკურსში გამარჯვებული სტუდენტის (ან საინიციატივო ჯგუფის) იდეა, როგორც დროის გზავნილი მომავალი თაობებისთვის, ოფიციალურად განთავსდება „მომავლის მეცნიერების კაფსულაში“ („ცოდნა, რომელიც ქმნის მომავალს - 2035“) და საზეიმოდ გაიხსნება 2035 წელს.

6. კონკურსში გამარჯვებული სტუდენტის (ან საინიციატივო ჯგუფის) იდეა, როგორც დროის გზავნილი მომავალი თაობებისთვის, ოფიციალურად განთავსდება „მომავლის მეცნიერების კაფსულაში“ („ცოდნა, რომელიც ქმნის მომავალს - 2035“) და საზეიმოდ გაიხსნება 2035 წელს.
7. წინამდებარე ბრძანების შესახებ ბსუ-ს სტუდენტების ინფორმირება განხორციელდეს ბსუ-ს სტუდენტური პორტალის მეშვეობით.
8. ბრძანება განთავსდეს ბსუ-ს ფაკულტეტების საინფორმაციო დაფებსა და ვებგვერდზე (ვებში „კონკურსები“, „ფაკულტეტის სიახლეები“).
9. ბრძანება დაეგზავნოს ბსუ-ს რექტორის მოადგილეებს, ადმინისტრაციის ხელმძღვანელს, ხარისხის უზრუნველყოფის სამსახურს, ფაკულტეტებს, პროფესიული პროგრამების მართვისა და უწყვეტი განათლების ცენტრს, რექტორის აპარატს, სასწავლო პროცესის დეპარტამენტს, სტუდენტთა კარიერული განვითარების, კულტურისა და სპორტის დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს და საქმისწარმოების სამსახურს (კანცელარია).
10. ბრძანება ამოქმედდეს ხელმოწერისთანავე.
11. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქN°30).

ბსუ-ს რექტორი



ტიტე აროშიძე

„სტუდენტური სამეცნიერო იდეების კონკურსის - „იდეა საქართველოს მომავლისათვის 2035“
გამოცხადებისა და საკონკურსო კომისიის დამტკიცების შესახებ”

ბსუ-ს რექტორის 2026 წლის 03 სექტემბრის №01-02/163 ბრძანების

დანართი №1

სტუდენტური სამეცნიერო იდეების კონკურსის სარეგისტრაციო ფორმა

„იდეა საქართველოს მომავლისათვის“

სარეგისტრაციო განაცხადი

გთხოვთ, შეავსოთ ყველა სავალდებულო ველი და განაცხადს დაურთოთ კონკურსის პირობებით განსაზღვრული დოკუმენტები.

I. ინფორმაცია კონკურსანტის ან და საინიციატივო ჯგუფის შესახებ:

1. კონკურსანტის სახელი და გვარი ან ჯგუფის სახელი: _____
2. პირადი ნომერი: _____
3. ელფოსტა: _____
4. ტელეფონის ნომერი: _____
5. ჯგუფის წევრების სახელი გვარი (ასეთი არსებობის შემთხვევაში): _____

II. ინფორმაცია სტუდენტის/პროფესიული სტუდენტის სტატუსის შესახებ

6. ფაკულტეტი / საგანმანათლებლო პროგრამა: _____
7. სწავლის საფეხური: ☐ პროფესიული განათლება; ☐ ბაკალავრიატი; ☐ მაგისტრატურა;
☐ დოქტორანტურა.

III. ინფორმაცია სამეცნიერო იდეის შესახებ

8. სამეცნიერო იდეის დასახელება: _____
9. სამეცნიერო მიმართულება:
☐ ფუნდამენტური, ზუსტი და საბუნებისმეტყველო მეცნიერებები
☐ ინჟინერია, მშენებლობა და ტექნოლოგიური მენეჯმენტი
☐ ხელოვნური ინტელექტი, კომპიუტერული და ციფრული ტექნოლოგიები
☐ კლინიკური მედიცინა, ჯანდაცვა და ბიოტექნოლოგია
☐ გარემოს დაცვა, კლიმატის ცვლილება და მდგრადი განვითარება
☐ აგროტექნოლოგიები და აგროეკოლოგია
☐ ეკონომიკა და ბიზნესის განვითარება
☐ განათლება და ინოვაციები
☐ სოციალური მეცნიერებები და ელექტრონული მმართველობა
☐ ჰუმანიტარული მეცნიერებები და ციფრული ჰუმანიტარული
☐ თანამედროვე და მწვანე ენერგეტიკა
☐ კულტურა და მემკვიდრეობა
☐ სხვა: _____

10. იდეის მოკლე ანოტაცია, როგორ წარმოგიდგენიათ საქართველოს მეცნიერებისა და ტექნოლოგიების განვითარება 2035 წლისთვის? (100- 500 სიტყვისა):

11. რა პრობლემის გადაჭრას ემსახურება თქვენი იდეა?

12. რა წარმოდგენს იდეის ძირითად სამეცნიერო სიახლეს ან ინოვაციურ კომპონენტს?

13. რა მნიშვნელობა აქვს იდეას საქართველოს სამეცნიერო, ტექნოლოგიური ან საზოგადოებრივი განვითარებისათვის?

14. როგორია იდეის მოსალოდნელი შედეგები?

IV. კონკურსანტის დეკლარაცია

15. _____, ვადასტურებ, რომ:

- წარმოდგენილი სამეცნიერო იდეა შექმნილია ჩემი/ჩვენი ავტორობით;
- წარმოდგენილი ინფორმაცია არის სრული და ზუსტი;
- არ არღვევს სხვა პირის საავტორო ან ინტელექტუალური საკუთრების უფლებებს;
- გავეცანი კონკურსის პირობებს და ვეთანხმები მათ;
- ვეთანხმები კონკურსის ფარგლებში ჩემი სახელისა და გვარის, იდეის დასახელებისა და კონკურსთან დაკავშირებული ინფორმაციის საჯაროდ გამოყენებას;
- გამარჯვების შემთხვევაში ვეთანხმები ჩემი სამეცნიერო იდეის „მომავლის მეცნიერების კაფსულაში“ განთავსებას.

V. პერსონალური მონაცემების დამუშავებაზე განმცხადებლის (მონაცემთა სუბიექტის) წერილობითი თანხმობა

აპლიკანტი/ები (მონაცემთა სუბიექტი) აცხადებს/ენ თანხმობას, რომ ამ განაცხადის განხილვის მიზნებისათვის, „პერსონალურ მონაცემთა დაცვის შესახებ“ საქართველოს კანონისა და „ბსუ-ში პერსონალურ მონაცემთა დაცვის პოლიტიკის“ მოთხოვნათა დაცვით დამუშავდეს ამ განაცხადში მითითებული ინფორმაცია.

აპლიკანტი/ები ადასტურებს/ებენ რომ ინფორმირებულია მისი/მათი პერსონალური მონაცემების შენახვის ვადებისა და მონაცემთა სუბიექტის უფლებების შესახებ, მათ შორის, უფლებამოსილებაზე მიიღოს/ონ ინფორმაცია მის/მათ შესახებ დამუშავებულ მონაცემებზე, მოითხოვოს მათი გასწორება, განახლება, დამატება, დაბლოკვა, წაშლა ან განადგურება კანონმდებლობით დადგენილი წესით.

ვადასტურებ ხელმოწერით: _____

16. გთხოვთ, განიხილოთ ჩემი/ჩვენი საკონკურსო განაცხადი და წარმოდგენილი დოკუმენტაცია:

- ☐ პირადობის დამადასტურებელი დოკუმენტის ასლი/ები;
- ☐ სტუდენტის სტატუსის დამადასტურებელი ცნობა/ები;
- ☐ სხვა დოკუმენტები:

კონკურსანტის/ები სახელი და გვარი: _____

ხელმოწერა: _____ თარიღი: ____ / ____ / 20____

„სტუდენტური სამეცნიერო იდეების კონკურსის - „იდეა საქართველოს მომავლისათვის 2035“
გამოცხადებისა და საკონკურსო კომისიის დამტკიცების შესახებ”

ბსუ-ს რექტორის 2026 წლის 03 სექტემბრის № 01-02/163 ბრძანების

დანართი №2

1. თამარ სირაძე - ბსუ-ს რექტორის მოადგილე, კომისიის თავმჯდომარე;
2. ლევან ტარიელაძე - ბსუ-ს სტუდენტთა კარიერული განვითარების, კულტურისა და სპორტის დეპარტამენტის უფროსი - თავმჯდომარის მოადგილე;
3. გოგა ბაუჟაძე - ბსუ-ს სტუდენტთა კარიერული განვითარების, კულტურისა და სპორტის დეპარტამენტის მთავარი სპეციალისტი, კომისიის მდივანი;
4. შალვა შალიკაძე - ბსუ-ს სტუდენტთა კარიერული განვითარების კულტურისა და სპორტის დეპარტამენტის, წამყვანი სპეციალისტი, კომისიის წევრი.
5. გიორგი დიასამიძე - ბსუ-ს იურიდიული დეპარტამენტის უფროსის მოადგილე, კომისიის წევრი;
6. ნათია ჯაფარიძე - სამეცნიერო კვლევების სამსახურის მთავარი სპეციალისტი, სამსახურის უფროსის მოვალეობის შემსრულებელი, კომისიის წევრი.